

## Werk

**Titel:** Petri Petiti Philosophi & Doctoris Medici Parisiensis De Sibylla  
**Untertitel:** Libri tres  
**Autor:** Petitus, Petrus  
**Verlag:** Lankisch; Guntherus  
**Ort:** Lipsiae; Lipsiae  
**Jahr:** 1686  
**Kollektion:** VD17-Mainstream  
**Gattung:** Altertumskunde  
**Digitalisiert:** Niedersächsische Staats- und Universitätsbibliothek Göttingen  
**Werk Id:** PPN737373385  
**PURL:** <http://resolver.sub.uni-goettingen.de/purl?PPN737373385>  
**OPAC:** <http://opac.sub.uni-goettingen.de/DB=1/PPN?PPN=737373385>

**LOG Id:** LOG\_0014  
**LOG Titel:** Caput VII. - Caput X.  
**LOG Typ:** chapter

## Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

## Contact

Niedersächsische Staats- und Universitätsbibliothek Göttingen  
Georg-August-Universität Göttingen  
Platz der Göttinger Sieben 1  
37073 Göttingen  
Germany  
Email: [gdz@sub.uni-goettingen.de](mailto:gdz@sub.uni-goettingen.de)

minino poeticum, quod Virgilius in sexto memorat, de ingressu Æneæ ad Sibyllam Cumæam tum temporis oracula edentem in Italia iuxta Cumas Campaniæ oppidum, & in antro ibi habitantem, summa loci religione & horrore obfurem & responsa eius vatis. Verum quo minus falso id a Virgilio proditum credamus, auctoritas obstat Aristotelis in Admirandis, toties iam laudato loco; ubi Sibyllam Cumis Italæ habitaſſe Erythræam refert: quod profecto non scripsisset, niſi fama vulgatum & propemodum gentium consensu ita esse persuasum fuisset.

Hanc igitur unam Sibyllæ nomine aio Græcis cognitam fuisse: si quæ autem aliæ fatidicæ eodem nomine appellatae sunt, quod sane fatendum est, eadem licentia factum esse, qua Ouidius in *Mataeotexviæ*, omnes viros *Danaos*, feminas omnes *Amazonas* appellat: & hisce temporibus Christianæ reipublicæ imperatorem *Cæarem* vocamus, quem tamen scimus nulla ex parte attin gere familiam Cæsarum.

## CAPVT VII.

*Sibylle per varia orbis terrarum loca discursus. Prophetarum raptus ab angelis: Et de sagitta Abaridis.*

**Q**uia dictum est ostensumque Artemidori verbis,

verbis, ad institutum vatum quoque pertinere  
vt varia orbis perambulent loca vaticinii causa,  
eodemque consilio Sibyllam Græcas Asiæ perlustrasse vrbes, insulas obiisse, in Italiam vsque cursum tenuisse, & ibi vaticiniis floruisse; rationes huiusmodi peregrinationum altius scrutari cogunt nos Justini illius martyris & philosophi verba, qui Babylone quidem transisse in Campaniæ oras Sibyllam dicit, quo autem pacto, sese ignorare fatetur: *εἰς ἣ τὴν μέγην τῆς Καμπάνιας, οὐκ οὐδὲ ὅπως, διαβάσων.* Emenda, vt supra, *εἰς δὲ Κιμμερέα τῆς Καμπάνιας,* hoc est, *in Campaniæ Cimmeriam nescio quo modo transisse.* Non dubitat transisse; medium quo tantum telluris infirma & inops muliercula obierit, se ignorare fatetur. Nempe aliud agenti non vacat profundiū inquirere in eam rationem: nos modum eum hic poscente instituto inuestigare haud grauabimur, vel potius coniectare ex aliorum vatum historiis, quos ab vnâ regione cito in alias remotissimas abductos legimus, tanta peregrinandi facultate, vt iis non montium aspera, non fluorum & torrentium impetus, non vlla itineris incommoda & discrimina obesse possent.

Vt id intelligamus, reuocandum in memoriam est quod supra notauimus, de perduellium superbia & malis artibus dæmonum. Cum enim nobis sint inimicissimi, tamen amici & benevoli videri volunt. Quod vt persuadeant, Dei similitudinem prætendunt, & quæ Deum facere

vident, imitantur: ut cum in aliis tum in vatum & prophetarum rebus manifeste appareat. Quia etenim Deus semper homines habuit sibi deditos ad quos familiarius accederet, quos & arcanorum suorum consciens haberet, qui quæ futuris temporibus facturus ipse esset, ubi opus esset, populis prædicerent; eiusmodi & Daemon ministros, hoc est, vates ubique terrarum sibi subditos habuit, quorum animis aliquam rerum futurorum lucem infunderet, quod non illi esse negatum infra suo loco ostendemus.

Cæterum inter dona illa, quibus Deus optimus maximus prophetarum suorum & sanctorum eximios ab aliis secernere voluit, subita est locorum mutatio, & ab una regione in alias remotissimas vehemens corporum humanorum nullo ipsorum labore transmissio: quam vim in nonnullis Deum ostendisse prophetis reconditæ Hebræorum literæ certis exemplis docent. In quibus legimus Habacuc vatem Judæa Babylonem translatum diuinitus angeli ministerio, qui eum capillo apprehendit & ita in sublime raptum transportauit. *Et apprehendit eum angelus Domini in vertice eius, & portauit eum capillo capitis sui.* Eadem vi raptum & Philippum, non eum qui inter Apostolos, sed diaconum, legimus in Actis Apostolorum, ubi de baptismo agitur Eunuchi Candaces reginæ Æthiopum: *Cum autem ascendissent de aqua, spiritus Domini rapuit Philippum, & amplius eum non vidit Eunuchus. Philip-*

*lippus autem inuentus est in Azoto.* Non enim id prophetarum tam proprium fuit, vt non aliis sanctis, vbi res posceret, Deus concesserit, vt Philippo isti: tametsi omnes prope Christianos illis temporibus vberiore spiritu donatos vaticinari potuisse, & linguis alienis locutos scimus.

Cæterum in nullo priscorum sanctorum & prophetarum tanta hominum admiratione vis illa apparuit, quam in Elia Thesbite: quem ex iisdem literis constat solitum transferri in montes remotos, in speluncas, in auia nemora, in scopulorum abrupta, & feris horrendas & torrentium fragoribus solitudines; donec tandem flagranti procella & turbine igneo, quem Scriptura currum vocat, amicis coram spectantibus, e conspectu eorum est ablatus. Sed hoc in mirando illo vate eximum, quod ei sic impetu diuino transferri in varia loca adeo frequenter accidebat, vt vulgo etiam notum esset. Hinc aliorum prophetarum consilium post eiusdem Eliæ discessum, de certis hominibus mittendis, qui eum per deserta & montes inuios quererent, si forte quopiam de more translatus iaceret. *Dixeruntque illi:* (filii prophetarum ad Elisæum Eliæ successorem) *Ecce cum seruis tuis sunt quinquaginta viri fortes, qui possunt ire & querere dominum tuum, ne forte tulerit eum spiritus Domini, & proiecerit eum in unum montium aut in unam vallium.* Neque vero inter prophetas tantum id de Elia vulgariter, sed vulgo etiam atque hominum sermonibus

bus celebratum fuit: quemadmodum apparet ex  
Abdiæ vnius e famulis regis Achab verbis, cum  
ei de improviso apparuisset Elias, iubaretque eum  
de aduentu suo regem certiorem facere: *Quid  
peccavi, (inquit) quoniam tradis me seruum tu-  
um in manu Achab ut interficiat me?* *Vivit Domi-  
nus Deus tuus, quia non est gens aut regnum, quo  
non misericordia Dominus meus te requirens.* Et respon-  
dentibus cunctis, non est hic: adiuravit regna sin-  
gula & gentes eo quod minime reperireris. Et  
nunc tu dicis mihi: *Vade & dic Domino tuo, ad-  
est Elias.* Cumque recessero a te, spiritus Domi-  
ni asportabit te in locum quem ego ignoro: *& ina-  
gressus nunciabo Achab;* & non inueniens te in-  
terficiet me. Hactenus de potentia Dei in vi-  
ros sanctos, ad eos quo vellet angelorum suo-  
ruin opera transportandos.

Nunc ut variis temporibus hæc opera Dei su-  
perbus dæmon in suis consecraneis imitatus sit, il-  
lustribus gentium exemplis ostendam. In his  
celebratum illud de Pythagora philosopho, quem  
eodem die visum olim Metaponti Italiam, & Tau-  
romenii Italiam, qui de eius rebus prodiderunt,  
consensu referunt. An corpore translatum, an  
præstigiis imagine eius oblata hominibus, ambi-  
gi potest. Sed vere translatum fuisse alia exem-  
pla occurunt quæ fidem faciant. Auctor est  
Jamblichus in vita Pythagoræ cap. 28. id munus  
Abaridi Hyperboreo ab Apolline concessum fu-  
isse, ut per aerem, quocumque vellet, cursum

magico inuestus iaculo tendere posset. Verba eius quibus inter alia prisorum vatum & sacerdotum miracula hoc quoque refert, adscribere placet: Δῆλα δὲ ἀντὸν τὰ ποίηματα θωδέχθ. ἄλλως δὲ καὶ Αλεξάνερος μὴ ὃν τὸ ἐπώνυμον Ευπεδοκλέος. Καθαρτής (ita lege pro Καθαρίν) δὲ τὸ Επιμενίδ. Αεροβάτης δὲ τὸ Αβάριδος. Οὐδὲ ἄρα σῖσῳ τῷ ἐν τηρεβορέοις Απόλλω δωρηθέντι αὐτῷ ἐποχόμυλος, ποταμός τε καὶ πελάγη καὶ τὰ ἀβάται διέβανεν αεροβάτων τρόπου τινα. ὅπερ θωενόσουν καὶ Πυθαγόραν ἔνεις πεπονθέντα τότε, ἡνίκα καὶ ἐν Μεταπόντῳ καὶ Ταυρομηνίᾳ τοῖς ἐκατέρωθεν ἐταίρεις ὀμίλησε τῇ αὐτῇ ἡμέρᾳ. id est, *Ipsorum vero opera manifesta sunt*, & ex iis ducta cognomina: *Empedoclis quidem Alexandemos*; (quod ventos arceret vel sedaret) *Epimenidis autem Cathartes*; (hoc est, mundus seu purus) *Abaridis vero Aerobates*. (quod per aerem graderetur) *Nam cum Apollinis eius, qui ab Hyperboreis colebatur, iaculo sibi donato inequitaret, fluios & maria ac loca inaccessa, per aerem quodammodo incedens, permeabat*. *Quod nonnulli Pythagorae quoque concessum suspicati sunt*, cum & ipse Metaponti & Tauromenii, amicis quos utraque in ciuitate habebat, eadem die conuersatus fuisset. Et infra eodem capite surreptum ait Abaridi id iaculum siue virgam auream a Pythagora, cum eum ex Hyperboreis aduenientem coniuio excepisset. Quo facto eum coegerit fateri quorsum istud iaculum ferret; qui confessus est,

non posse se absque illo vias, qua peregrinari debeat, vlo modo inuenire. τέτοιν δὲ τὸν Αἴαντα παρελόμενον, ὃν εἶχε χρυσὸν οἰστὸν, καὶ ἀνδρὸς οὐτὸν τὸν οὐδὲς ἔχειν μάκρον, οὐδολογεῖντος ἐποίησε. Quæ pacto lamiæ hisce etiam temporibus vehi a malis geniis dicuntur ad orgia nocturna. Quod genus vehiculi fortasse omniscius poeta, obscure licet, velut aliud agens, ut sollet, indicare voluit, cum in undecimo Aeneidos Metabifugam cum Camilla filia infante describit. Cum enim fugienti (nam hostes conferti premebant) Amisenus amnis obuius transeundus esset, neque auderet cum infante fluvio late & spumanti se committere, hanc telo ingenti alligans, viribus, quantis pollebat, cum telo intorsusse dicitur, ac transmisisse ad alteram ripam, verum non sine Diana, quam inuocat, cui & pueram vouet:

*Ipse pater famulam vroueo: tua prima per auras  
Tela tenens supplex hostem fugit: accipe: testor  
Diua tuam, quæ nunc dubiis committitur auris.  
Dixit, & adducto contortum hastile lacerto  
Immittit: sonuere vnde: rapidum super amnem  
Infelix fugit in iaculo stridente Camilla.*

His an ad iaculum Abaridis alluserit Virgilius, eruditis iudicandum relinquo. Verum quod ad hunc loca transmittendi modum attinet, huius & Lucianus meminit in Philopseude siue Incredulo fol. 831. tametsi suo more irridet. Quo loco & quidam narratur itidem ex Hyperboreis

con-

conspectus, cum per aerem interdiu incederet, atque etiam super aquas : σὺ Λαῦτα, ἦν δὲ ἔγω, εἶδες, τὸν τπερβόρεον ἄνδρα πετόμενον, ἢ οὐδὲ ὕδατα Θεοβηκόσα; καὶ μάλα, ἥδε ὁς &c.

Hæc non dubito fore multos qui irrideant, homines ignauos & in Luciani ludo educatos. Nec mirum. Longe enim facilius est cuius contemnere quæ non intelligit, quam operam dare & satagere ut intelligat. Quibus aliud non respondebo, quam quod Apuleius in 1. Metamorph. cùdam qui id genus compreta audiebat solo cachinno explodenti: *Tu vero (inquit) crassis auribus & obstinato corde respuis que forsitan vere perhibeantur.* Minus hercule calles prauissimis opinionibus ea putari mendacia, quæ vel auditu noua, vel visu rudia, vel certe supra captum cogitationis ardua videantur : quæ si paulo accuratius exploraris, non modo compertu evidentia, verum etiam factu facilia senties. Quid? Nonne Iudeorum magistris & Cabalistis creditum, vias quamlibet arduas, longas, difficiles, breui temporis spatio confici posse nominis ineffabilis pronunciatione. In scripto Rabbinico de vita & morte Mosis, quod Gilbertus Gaulmyrus Molinensis, vir doctissimus, latine conuersum & notis elegantissimis illustratum in lucem edidit, sic loquens Moses ad Deum inducitur: *Si permittis, ego in virtute nominis tui volucris fiam, ac super Jordanem volans, terram (missionis) adibo & video.* Sed & Benjamin Tudelenensis in Itiner

rio de Dauid Altoi: *Ilo die & decem dierum iter conficit ad Amoriam vsque ineffabilis nominis pronunciatione.*

Superstitionis hæc, inquies, & Rabbinica. Factor: non tamen continuo falsa censeri debent. Nam & hos, veræ lucis exortes atque in superstitionem prolapsos, dæmonum patuisse ludibriis, & quæ dæmonum instinctu patrabant, virtuti diuinæ adscripsisse, velut priscos gentium sapiente, & ita prodita ab iis miracula explicare generosum magis & cordato viro congruens iudico, quam fidem tot testibus derogare, tot literarum monumenta barbaro fastu subruere ac demoliri. Hæc autem eo consilio sic vberius & latius differere visum est, vt desinant mirari homines minus in veterum literis versati, longinquas illas Sibyllæ peregrinationes: immo hoc dæmonis ingenio & factis quam maxime esse consentaneum intelligent, vt quam primariam gentiunam omnium sibi subditorum vatem constituisset, ei se vt ad omnem vaticinandi operam, sic ad celeres locorum transmissiones & alia miracula facilem & promptum exhiberet.



CAPVT

## CAPVT VIII.

*De antris in quibus Sibylla habitasse dicitur. De Corycio: plura eius nominis fuisse; an istud nomen appellatum; Ερμέια πεδία apud Galenum in descriptione Philonii.*

Sibyllam secessum & solitudinem amasse, ut fere omnes diuinioris naturæ sibi conscius, supra attigimus, cum de longa eius vita & solitudine nobis disputatio esset; nunc de antris, in quibus aut nata aut versata fuisse dicitur, paulo accuratius considerandum reor; cum ad res Sibyllæ hæc cognitio pertineat. Erythræi quidem, qui Sibyllæ natales contentiosius sibi vindicabant, in spelunca sub monte Coryco apud se ortam eam contendebant. Pausanias in Phocicis: Ερυθραιοι δε (ἀμφισβητοῦ οὐδὲ τῆς Ηεροφίλης αρχηγούσαται Εύληνων) Κάρυκόν τε καλλιέργεια, καὶ τὸ ὄρος απήλαιον Διοφάνειον, τεχνῖνα τὴν Ηεροφίλην σὺν αὐτῷ λέγοντες. id est, Erythræi (de Herophile enim hi acerrime Graecorum omnium certant) Corycum montem, & in eo antrum ostendunt, in quo natam Herophilen dicunt. Meminit & Strabo eius montis lib. 14. πέντε δὲ λέγειν οἱ τὰς Ερυθρὰς, περιτον μὲν Γέρας πολίχνιον, εἶτα Τήιον, εἶτα Κάρυκόν τοις οὐψιλοῖς.

Antea

Antequam Erythras perueniant , primum quidem occurrit oppidulum Gera , postea Teium , tum Corycus mons altus . Stephanus quoque in hac voce : ἐστι ηγή Κάρευνος ὁρός δέσποινῶς λεγόμενον , ψηλὸν , πλησίον τέω τῆς Ιωνίας ηγή Ερευθρὸν . Ita enim lego , non ut in excusis libris ἐρευθρὸν . id est , Est & mons Corycus generis masculini , ex celsus , Teo Joniae & Erythris vicinus . A monte igitur isto antrum illud , in quo natam dicunt Sibyllam , nominatum fuisse Corycium , non est cur quisquam dubitet . Non tamen perinde istud fama inclytum fuisse fatendum est , atque alia eiusdem nominis in Cilicia & Parnasso ; quorum Stephanus seorsim mentionem facit his verbis : Κάρευνος πόλις Κιλικίας , παρ' ἣ τὸ καρέυνον ἀντρὸν Νυμφῶν , αἰγιάλασον θαύμα , ὃ ὄμώνυμον εὐ Παρνασσῷ . id est , Corycus oppidum Ciliciæ , cui vicinum est Corycium antrum Nymphis sacrum , inter naturæ miracula celebrandum : cui alterum eiusdem nominis in Parnasso nobilitate haud magnopere cedit . Quæ Stephani verba vel mediocriter curiosis cupiditatem injiciant accuratius cognoscendi naturam habitumque eius antri , quod tantam olim spectaculi admirationem visentibus moueret .

Quo spero facilius veniam me impetraturum a studiosis , si vocabuli eiusdem vestigia secutus , hincque occasione sumpta , paululum a proposito digredior in Corycium illud Ciliciæ antrum ; hoc est , luculentam eius descriptionem a Pom-

ponio Mela geographicō operi insertam legen-  
tium oculis subjicio, quā ceu pictura eleganti  
superiorum disceptationum laborem & tristi-  
tiam discutiant. Ita igitur scriptor ille eloquens  
de hoc subterraneo specu scribit lib. i. cap. 13.  
*Non longe hinc Corycos oppidum, portu saloque in-*  
*cingitur, angusto tergore continentē annexum. Su-*  
*pra specus est, nomine Corycius, singulari ingenio,*  
*ac supra quam ut describi facile possit eximius.*  
*Grandi namque biatu patens, montem litorī ap-*  
*positum & decem stadiorum cliuo satis arduum,*  
*exsumo statim vertice aperit. Tunc alte de-*  
*missus, & quantum demittitur amplior, viret lu-*  
*cis pendentibus vndique, & totum se nemoroſo late-*  
*rum orbe complectitur: adeo mirificus ac pulcher,*  
*ut mentes accendentium primo aspectu confernat:*  
*vbi contemplati durauere, non satiet. Vnus in*  
*eum descensus est, angustus, asper, quingentorum*  
*& mille passuum, per amenas umbras & ope-*  
*ra filiae quiddam agreste resonantis, riuis hinc at-*  
*que illinc fluitantibus. Vbi adima peruentum est,*  
*rursum specus alter reperitur ob alia dicendus.*  
*Terret ingredientes sonitu cymbalorum diuinitus*  
*& magno fragore crepitantium. Deinde aliquam-*  
*diu perspicuus, mox & quo magis subitur obscu-*  
*rior, dicit ausos penitus, alteque quasi cuniculo*  
*admittit. Ibi ingens amnis ingenti fronte se ex-*  
*tollens, tantummodo se ostendit, & vbi magnum*  
*impetum breui alueo traxit, iterum demersus ab-*  
*sconditur. Intra spatium est, magis quam ut pro-*  
*gre-*

gredi quispiam ausit, horribile; & ideo incognitum. Totus autem augustinus & vere sacer, habitarique a Diis & dictus & creditus, nihil non venerabile & quasi cum aliquo numine se ostendit. Hæc Mela. Quem adeo hac in descriptione admiratus videtur Plinius, vt alias creberet his picturis in historia, veritus sit post Melam manum tabulæ admouere. Proinde idem antrum vix breui mentione attingere ausus lib. 5. cap. 27. statim præteruolat. *Juxtaque mare* (inquit) *Corycos eodem nomine oppidum, & portus & specus.* Verbum non amplius addit. Verumtamen de Coryciis antris notat lib. 31. cap. 2. destillantes in his guttas in lapides durescere. Quod sane Pausanias, vt mox videbimus, confirmat de Corycio Parnassi antro. Cæterum non idem pudor aut reuerentia Solino, qui & ipse inferior Pomponio Mela, obstitit quo minus eiusdem antri descriptionem tentaret, quam apud eum legat qui volet.

Magna & Coryci in Parnasso antri nobilitas fuit, neque admiratio minor, vt ex Pausaniæ verbis intelligi potest. Τὸ δὲ ἄντρον τὸ Καρύκιον μεγάλη περιεβάλλεται εἰρημένα, οὐδὲ οὔτε πλεῖστον ὁδός ταῦτα διατίθεται. Οὐ τε ὅρφος εἰς ἀναρχες διπλὸς τοῦ ἑδαφος ανέσηνε, οὐδὲ ψυχή τοῦ μὲν ανερχόμενον ἐκ τηγῶν, πλέον δὲ ἐπὶ διπλὸς τοῦ ὅρφου στέψει, οὗτος οὐδὲ δῆλα τοῦ ἑδαφος σαλαγμῶν τὰ ἵχυν διὰ παντός θέσης τοῦ ἄντρος. id est, Verum hæc omnia que enumerauimus magni-

magnitudine superat Corycium antrum: qui introierit, sine villa face longissime progredi posuit. Ab imo solo ad superiorem partem, quæ pro tecto est, satis multum interest spatii: multi hinc illic e viuis fontibus fluitant riui; sed humoris multo plus ex ipsa antri quasi testudine destillat. Cernuntur vero passim in ipso solo gutterum vestigia. Vbi συλαγμῶν ἔχει, gutterum vestigia interpretor gutterum in lapidem concretiones per totum antrum. Quod pacto expositus Pausanias Plinii, ut dixi, historiam in hac Coryciorum antrorum proprietate confirmat.

Ab hoc antro Corycio quod in Parnasso fuit Corycides Nymphæ nominatae, ut apud Ouidium libro Transformationum primo in Deucalionis fabula:

*Mons ibi verticibus petit arduus astræ duobus  
Nomine Parnassus, superatque cacumine nu-  
bes.*

Hic ubi Deucalion (nam cetera texerat æquor)  
Cum consorte tori parua rate vectus adhaesit,

Corycidas Nymphas & numina montis adorat.

Meminit & Corycii seū, quod idem est, Corycei antri Aristoteles lib. de Mundo; sed cuius possimum ex tribus memoratis, ex eius verbis intelligi non potest. Ita autem ibi scriptum est: διὸ καὶ τὸς μὲν αὐθόδης διαγείσαντας ἡμῖν ἐνὸς τόπος Φύσιν, ἥ μιᾶς οχῆμα πόλεως, ἥ πολαμός μέγεθος, ἥ ὅρες κατάλογος, διὰ τέ θυες ἤδη πεποιήκασι, Φεράζοντες, οἱ μὲν τὴν Οὔσαν· οἱ δὲ τὴν

Nύσ-

Nūasav. οἱ δὲ τὸ Κωρύκειον ἀντερον. οἱ δὲ οἴναι  
 ἔτυχε τῶν ὅπῃ μέρες, ὅμητίσειν ἀντὶ τῆς μηδο-  
 ψυχίας τὰ τυχόντα συπεπληγμένες, καὶ μέγα<sup>hinc o  
focand  
led om  
pellati  
ditionur  
Habem  
icāos &  
māil h  
Cilicia  
tiner ;  
dūl ep  
it Strab  
t illi vi  
erat ful  
occasio  
a Cilici  
antrum  
in eo g  
tunt,  
Mercur  
Philonij  
cap. 4.  
nis ver  
designa  
Easv  
Sicili  
adoleſc  
impis  
atio,</sup>  
 Φεονθλας ὅπῃ θεωρία μηδεῖ &c. id est, Quapropter istos miserari quiuis iure possit, ut pusilli animi scriptores, res quaslibet vulgoque expositas summa admiratione prosecutos; qui nobis vnius loci naturam, aut turbis cuiusdam formam situmque, aut magnitudinem fluminis, aut denique amoeni montis aspectum describere instituerunt: cum interim magnifice de semetipsis sentiant, ob exilem quamquam naturae perceptionem: cuiusmodi nonnulli magno quidem illi studio fecerunt, accurata ut dictione describerent, hic Ossam montem, ille Nyssam, alii Coryceum specum, alii quiduis eorum quæ inter orbis particulas censentur &c. Coniicio autem de Coryceo potissimum loqui antro, quod in Cilicia est, vt pote omnium eius nominis maxime stupendo & celebrato, vt ex eius supra allata descriptione apud Melam intelligi potest. Interim Philosophi ingenii magnitudinem & fastum notare licet: cui præter mundum ipsum totum, singula quæque interris loca, vrbes, montes, speluncæ, & alia eiusmodi particularia sordent, sola naturæ universitas satisfacere potest.

Habuit & Sicilia suum antrum Corycium; suum item Arcadia, Homero teste, in quo natum Mercurium fabulantur. Qui cum multi eius nominis apud auctores celebrentur specus, data hinc

hinc occasio Hofmanno, acris ingenii viro, supicandi Καρύκεον non vnius esse antri nomen, sed omnium, ac ut Grammatici loquuntur appellatiuum. Quod ipse lib. 6. Variarum Lettionum cap. 3. testatum reliquit. Quid plura? Habemus & inter Græcorum prouerbia καρυκεῖος ἡμεράστατο Corycaus auscultauit: verum nihil hoc ad antrum Corycium aut Parnassi, aut Ciliciæ, aut eius quod iuxta Erythras fuit, pertinet; sed potius a Coryco Pamphyliæ monte istud epithetum latronibus inditum videtur, qui, vt Strabo & Zenodotus tradunt, per portus mœnti illi vicinos dispersi quæ ibi negotiatores agebant subauscultabant, vnde mox in eos capta, occasione impetum facerent. Crocum quidem a Ciliciæ monte Coryco **Corycium**, a quo & antrum, nominatum satis constat: cui bonitatis in eo genere palmam Dioscorides & alii deferrunt. Cur autem campos, in quibus is nascitur, **Mercuriales** vocet Philo Tarsensis medicus in Philonici descriptione apud Galenum lib. 9. cap. 4. τόπος, consideratione eget. Philonis versus, quibus crocum poetica periphrasi designat, sunt ejusmodi:

Σανθὴ μὲν τείχα Σάλλε μυρίπνοον ἰοθέοιο,  
& λύθρες Ερμείοις λάμπεται σὺ πεδίοις.

Sic autem latine sonant: *Rutilum mitte capillum adolescentis vnguenta redolentem, cuius sanguis in campis Mercurii coruscat.* Est autem alia etiam lectio, cuius meminit Galenus:



Ermes-

*Eρμείας λάμπεται ἐν Σοτάναις.*  
*inter herbas Mercurii effulget. Sed priorem re-*  
*tinent Codices.*

Hofmannus, vir acutus & perspicax, dicto loco *Eρμεία πεδία*, hoc est, *Mercuriales campos* dictos putat, qui latronibus essent infesti: propterea quod Mercurius furum & latronum deus diceretur. Quam interpretationem, ut obiter dicam, non nauci esse lectio illa ostendit, quæ *Σοτάναις Eρμείας herbas Mercuriales* habet: an enim quisquam tam futilis, ut herbas Mercuriales quicquam cum latrociniis commune habere dicat? Et miror profecto id genus interpretationi tam remotum placere Hofmanno potuisse, cum longe meliorem a Galeno explanationem petere posset; quo loco carmen Philonis proponit, & voces in eo ænigmáticas sigillatim exponit. Hanc Galeni expositionem ipsius verbis subnectere placet: *Λύθρον δὲ τὰς κέρκνας Φυσὶν ἐν ταῖς Ερμείαις, τετέτη ταῖς τὰς Ερμῆς λάμπεται Σοτάναις. ἐπειδὴ μεράκιον καλύμμενον κέρκνος, ἀμα τῷ Ερμῇ διοκένων, ἐν δὲ ἑτοῖς ἀμελέτερον, ἐμπεσόντος αὐτῷ δίοκεται τῇ κεφαλῇ, συνέει μὲν διποθανεῖν αὐτίνα· τὰς δὲ αἱματος εἰς τὴν γῆν ἀναχυθέντος, ἐξ αὐτῶν Φῦνας τὸν κέρκνον. λάμπεται δὲ εἰπε τὸν λύθρον, τετέτη τὸ διπό τὰς σΦαγέντος αἴμα, διὰ τὸ σιλπνὸν τῆς χεός τὰς κέρκνας.* Tum alterius lectionis meminit sequentibus verbis: *γεάφεται δὲ ὁ μόνον, Σοτάναις, αἷλα καὶ πεδίοις, ὠδίπτως ὁ σίχος,*

*Eρμεί-*

Equeis λάμπεται καὶ πέδοις.

id est: *Cruorem autem croci fulgere abhuc in campis Mercurii dicunt. Adolescens enim Crocus nomine disco ludens cum Mercurio, & incautius adstantis, illapso in caput ipsius disco statim mortuus est: ex sanguine autem eius in terram delato crocus natus est. Fulgere autem cruorem dixit, hoc est, sanguinem iam occisi, propter coloris croci splendorem. Scribitur autem non solum in herbis, sed & in campis in versu; hoc modo: fulget abhuc in campis Mercurii ille crux.* Ex quo nemo non videt, sicut crocus Mercurialis herba dicitur, quod de Croci pueri Mercurio dilecti crux natus feratur; sic & eos campos, in quibus magna croci copia proueniret, eadem ratione Mercuriales a Philone esse nominatos, ab eo scilicet olere, quod Mercurii potestate de cognominis adolescentis primum sanguine emerserit. Sed haec, ut dixi, obiter; ad propositum reuertamur.

## CAPVT IX.

### *De Cumano Sibyllæ antro.*

**S**equitur alterum Sibyllæ antrum non minus veterum scriptis celebratum, atque ab ipso Aristotele in Admirandis; cuius verba de hoc antro supra laudata nihilo secius reponere operæ pretium est. *Ἐν τῇ Κύμη τῇ ωρί τὴν Ιταλίαν*

δείνυται ίνς, ως ἔοικε, θύλαμος κατάγειος Σι-  
βύλλης τῆς χερσιμολόγου &c. Cumis iis que  
sunt in Italia quidam ostenditur, ut verisimile est,  
subterraneus Sibyllæ tbalamus siue cubiculum mu-  
lieris fatidice &c. Sed Maro in primis viden-  
dus de hoc Sibyllæ antro in sexto magni operis:

*Teucros vocat alta in templo sacerdos,  
Excisum Euboicæ latus ingens rupis in antrum :  
Quo lati ducunt aditus centum, ostia centum,  
Vnde ruunt totidem voces, responsa Sibyllæ.*

Quibus ex verbis intelligi potest, quam spatioſa  
& vasta ea domus subterranea eſſet, cui centum  
aditus, centum ostia assignet. Sed maxime id  
confirmant Justini Martyris verba quibus eam  
ſpeluncam describit, in ea quam ad Græcos ſcri-  
psit oratione exhortatoria: qui ſe hujuſ etiam  
teſtem oculatum fuiffe dicit. Quamobrem  
hanc tam grauis auctoris descriptionem verbis  
ipsius adſcribere haud grauabor: Εθεασίμε-  
ται δὲ ἐν τῇ πόλει γενόμενοι καὶ ίνα τόπου, ἐν  
ῳ Βασιλικὴν μεγίστην ἐξ ἐνὸς ἐξεσμένην λίθῳ  
ἔγνωμόν, πέργαμα μέγιστον καὶ παντὸς θάυμα-  
τος ἄξιον, ἐνταῦθε ρήγας χερσιμὸς ἀντίτην ἀπαγγέλ-  
λειν, οἱ ως Τὰ πάντα παρειληφότες τῷδε τῷ  
ἐαυτῶν ὡρογόνων ἐφασκον. ἐν μέσῳ δὲ τῆς Βασι-  
λικῆς ἐπεδείκνυον ἥμιν τρεῖς δεξιάμενας ἐν τῇ  
αὐτῷ ἐξεσμένας λίθῳ. ἀν πληρομένων ὑδάτος,  
λύεσθαι ἀντίτην ἐν ἀντίταις ἐλεγον, καὶ σολὴν  
ἀναλαμβάνοσαν, εἰς τὸν ἐνδόστρον τῆς Βασιλικῆς  
Εαδίζειν ὅπου ἐκ τοῦ αὐτῷ ἐξεσμένον λίθον. καὶ

ἐν μέσῳ τούτων καθεζόμενην ὅπι οὐψηλὸς Εἵμαλος  
καὶ Θέρνη, τοῖς χεισμοῖς ἐξαγορέουσιν. id est,  
Vidimus sane, cum ea in urbe essemus, locum  
quendam, ubi basilicam ingentem uno excava-  
tam e lapide conspeximus; rem sane maximam &  
omni admiratione dignissimam: quo loco oracula  
eam edidisse, qui res patrias a majoribus suis quasi  
per manus traditas acceperant, affirmabant. In  
basilicæ autem meditullio tria nobis ostenderunt  
in eodem excisa saxo solia; quibus aqua repletis  
lauisse eam dicebant: exinde stola sumpta in in-  
terioris ejusdem basilicæ facillum ibi ex eadem ma-  
teria recedere, atque in media ea ade super altio-  
re sugestu & throno considere solitam, & sortes  
adeum modum promulgasse dixerunt. Singularis  
hic locus est de Sibyllæ specu: neque enim alibi  
usquam tam accuratam eius descriptionem re-  
peries. In qua tamen illud primum occurrit  
dubium, an ea quæ Justino monstrata est spe-  
lunca ipsamet fuerit in qua Sibylla habitauit,  
cuius & Maro facit mentionem in sexto Aenei-  
dos. Etenim illa Justino memorata Cumis  
Campaniæ, hoc est, in ipsa urbe visebatur:  
Ἐθεασάμεθα δὲ, inquit, ἐν Τῆ πόλει γενόμενοι καὶ  
ἴων τόπον, locum quendam cum in urbe essemus  
contemplati sumus. Quam autem Virgilius de-  
scribit, ea non videtur in oppido ipso fuisse,  
sed procul inter sacros Triuiae lucos sita, ubi  
templum erat Apollini consecratum. Quem-  
admodum ex his versibus colligi potest:

*At pius Aeneas arces, quibus altus Apollo  
Præsidet, horrendaque procul secreta Sibylle,  
Antrum immane, petit.*

& paulo post:

*Jam subeunt Triuia lucos, atque aureatecta.*

Mox aurea illa tecta, hoc est, templum Apollinis describit, quod a Dædalo, postquam e custodia cum filio euasit, constructum fuisse dicit. Quibus verbis appetat, templum & oraculum istud fuisse positum inter nemora & lucos; non videtur autem simile vero eos lucos fuisse in oppido. Merula quidem lib. 4. vbi Campaniæ loca describit, non putat Cumis fuisse Sibyllæ antrum, sed in via quæ Cumis ad Auernum lacum patet. *Ab Cumis (inquit) dein ad Auernum usque lacum nihil inuenitur scitu dignum, præter Sibylle (que ab Cumis, patria, Cumæa, omnibus decantata) cauernam, ut vocant.* Sed antiquior longe auctoritas Aristotelis, qui saepius laudato in commentario de Admirandis, expresse Cumis fuisse subterraneum Sibyllæ Erythrææ, quæ & Cumæa dicta est, thalamum refert: *ἐν Τὴν Κύμην ἀθῆ Τὴν Ιταλίαν δεινωταί τις, ως ἔοικε, θέλαμος κατάγειος Σιβυλλῆς τῆς χερσοπολόγης.* Potior item Justini Martyris, qui idem confirmat indigenarum, quibus id a maioribus per manus traditum esset, testimonio. *Quibus accedit Seruii auctoritas ad hæc verba: arces quibus altus Apollo præsidet. Cum, inquit, ubique arx Joui detur, apud Cumas in arce Apollini*

*nis templum est. Quod autem ibi Sibyllæ antrum fuerit, hæc verba ostendunt infra:*

*Teucros vocat alta in templo sacerdos,  
Excisum Euboicæ latus ingens rupis in antrum:  
Quo lati ducunt aditus.*

& mox:

*Vnde ruunt totidem voces, responsa Sibylle.*

Quæ verba indicant, eo ipso in loco, puta monte vbi arx erat urbis & templum Apollinis, fuisse antrum Sibyllæ in rupe excauatum, ut & Justinus tradit. Neque obstat quod Poeta post hæc verba:

*At pius Æneas arces quibus altus Apollo  
Præsidet,*

addit: *horrendaque procul secreta Sibylle;* ceu longe ab arce situm Sibyllæ antrum esset: ibi enim *procul* non significat longe, sed prope, ut docte Servius ibi annotat his verbis: *Procul, baud longe. Procul enim est & quod præ oculis est, & quod porro ab oculis.* *Vnde & duplicem habet significationem, & iuxta, & longe.* Qui locus insignis de hujus aduerbii duplici usu & origine. Nec vero mirum videri debet, Cumis lucum Triuiæ sacrum fuisse, quo loco templum erat Apollini dicatum & Sibyllæ specus, cum & Lauinii, eodem Marone teste, summo urbis loco, Pici, vetustissimi Italorum regis, domus filuis ad religionis formidinem obscuris cincta esset. Qua de re sic in septimo memorat:

*Tectum augustum, ingens, centum sublime columnis,*

*Vrbe fuit summa, Laurentis regia Pici,  
Horrendum sita & religione parentum.*

Quorum lucorum Diis sacrorum in mediis urbibus alia exempla complura adiungi possunt.

Quod autem excisam in rupe ipsa speluncam tam vastam dicit, ne id quidem quisquam admodum mirari debet : cum in Sedunis ejusmodi domos in rupe excauatas visi testetur Georgius Agricola in libro de animantibus subterraneis ; quem locum adscribere operæ pretium est. *In Sedunis etiam in tractu Sittensi ad Bremifam pagum ex rupe excisa, sine ullis tignis & trabibus ligneis, formatum est integrum cœnobium, hoc est, templum, cubicula, conlaue, culina, cella vinaria. Similiter in altis montibus conspiciuntur arces subterraneæ : ut quæ in Alpibus Couolum nominatur, in quam nec equites nec pedites possunt ascendere, sed cum homines, tum omnia ad viendum necessaria ad ipsam attrabuntur : quæ in precipiti Siciliae rupe, non longe ab Eryce monte existit, cum Drepano promontorio coniuncta ponitculo, quo solo adiri potest : quæ in Saxonia inter Blanchemburgum & Halberstadtum est : quæ in Toringia inter Vimariam & Blanckenbainam prope Mellungum pagum, illius nomen est Reinesteinum vetus, huius Pufhardum: atque ea distat a Vimaria quatuor millibus passuum. Vt raga que ab habitatoribus nunc deserta est & vacua:*

*vtraque*

vtraque habet in saxo incisa hypocauſta, conclavia, ſcama, ſtabula, præſepia, ianuas, fenefras: Saxonica vero etiam templum, ſupra quod incole extruxerunt ſpeculam, que ſola ſubiecta fuit ſub aspectum. Hæc eo loco Agricola, qui de arce alia apud Saxones addit, ſub monte ſita, Ipſe (inquit) mons Saxonius præceps eſt ex omni parte, præter eam qua aſcenditur: in cuius planicie excelsus collis clementer aſſurgit, qui qua parte planitem ſpectat foſſa ſatis alta & la- ta circumdatur. Ex huius collis ſaxo arenaeo, nonnihil rubro, exciſo formata eſt arx illa, cui multæ & magnæ fenefrae. Quin in pede ipſius montis celle ſunt ſubterraneæ cum equorum item ſtabulis. Tum ænigma e re natum, quod fertur in primis apud Saxones & Toringos, ſubiungit ejusmodi:

Dic quibus in terris arx alto condita monte,

Mille vbi per teclam poſſunt errare bidentes.

Addit, Hoenſteini etiam, que arx eſt Misen. trans Albim, equorum ſtabula in ſaxo incifa eſſe. Tum de cellis meretricum ſub terra apud Græcos & Romanos; vnde vox χαμαſτυπη & χα- μαſτυπεια & ganeum Latinis dictum δῆνος Ἰη- ονος auctore Terentii interprete. Et hæc ſatis ad fidem faciendam iis, qui præ inexperience dubitarent, potuiffe in viuo ſaxo tam ſpatiosam excauari ſpeluncam, ſiue, ut Justinus vocat, baſili- cam, quantam fuiffe eam, in qua Sibylla Cumæa habitauit, idem Justinus teſtatur.

Quod autem verum sit hoc testimonium, recentiore & familiari confirmat Janus Vltilius, vir eruditissimus, in commentario ad Gratii Cynegeticon, cuius verba adscribere visum est: *Et Cumæe (supple Sibyllæ) illud sepulcrum esse, quod & in hypogeo vbi vaticinata fuerat monstratum sibi narrat Justinus in monitorio ad Grecos, ex eo apparet, quod Cumæe hypogeum, siue ut vocat Aristoteles ἡλαιον κατάγειον, ab Aenea petutum constet. Idque etiam hodie aduenis demonstrare incolas oculatus mihi testis est illustris Bosvvelius.* Quod igitur Sibylla tali domo sub terra habitaret, hinc factum est, ut idem Agricola dicto loco huius inter animantes subterraneas mentionem habendam putarit; vbi & de ejus spelunca haud vulgaris operis confirmat his verbis: *Quin & in Tenedo insula pescatores hodie rupium speluncis pro domibus utuntur: ut quondam Sibylla Cumæa antro illo ad Auernum lacum, tam musuo opere insigni, quam vaticinationibus nobili.*

## CAPVT X.

*De mystico apud Homerum Nympharum antro. Item de Platonis speluncatum de specuum eiusmodi subterraneorum causis.*

**A**C de Sibyllæ antro satis dictum arbitror: **A**hæc autem disputatio, quam modo de eo

antro

antro habui, admonet me ut de altero, quod Phorcyno in portu Ithacæ sub rupibus situm Nymphis sacrum iis quæ Naiades dicuntur, describit Homerus lib. 13. Odysseæ; tum de ea, quam philosophorum Homerus Plato initio septimi de Republica proponit, spelunca, quid mihi videatur data occasione attingam. Ac primum de illis Nymphis sacro : propterea quod Porphyrius mysteria non pauca sub ea descriptione latere censuit, quæ & libro singulari eruditissimo enarrare atque explicare tantus philosophus non dubitauit. Sunt autem Homeri versus huiusmodi :

Αὐτῷ οὖτις νεφάτος λιμένος τανύφυλλος ἐλαίη.  
Αγχότι δ' αὐτῆς ἄντερν ἐπίρετον, νερειδὲς,  
Ιεὸν νυμΦάων αἱ Νησίδες καλέονται.  
Εν δὲ κηπῆρες τε καὶ αἱ φορέτες ἔαστι  
Λαΐνοις ἐνθα δ' ἐπειτα Ιθακών γοτ μέλισσαι.  
Εν δ' ισοὶ λιγέοι περιμήκεες, ἐνθα τε νύμΦαι,  
Φάρες υφαίνοντιν αἱ πόδες φυρα, θάυμα ιδέατζ.  
Εν δ' ὑδατ' αἰενάονται, δύω δέ τε οἱ θύραι εἰσιν.  
Αἱ μὲν τρέχεις βορέασι καταβαται ἀνθεώποισιν,  
Αἱ δ' αὖ τρέχεις νόθε εἰσι θεάτρεας, φέρετι κείνη  
Ανδρες ἐστέχονται, αἷλλ' αἴθανάτων ὄδος ἐσιν.

Latine autem eruditus aliquis mihi non notus hunc Homeri locum sic reddidit, quam versionem in eorum gratiam qui Græce nesciunt apponere placet:

*Stat ramis diffusa in portus vertice oliua,  
Quam propter per amœnum antrum obscu-  
rumque recedit,  
Sacra domus Nymphis, quæ Naides indigi-  
tantur.*

*Intus crateres, patulaeque ex marmore viuo  
Amphoræ; apes dulci qua ponunt mella fusurro.  
Saxeæ sunt intus quoque stamina longa, ubi  
Nymphae*

*Purpureas texunt telas, mirabile visu.*

*Intus perpetui latices. Sed ianua duplex:  
Hæc boream spectans homines admittit; at illæ  
Respiciens austrum diuinior, inuia prorsus  
Est homini, præbetque viam immortalibus vnis.*

Nec abs re arbitror subnectere Maronis loca, in  
quibus respexisse ad Homeri picturam, ac etiam  
colores ex ea erasisse videri potest, quos in su-  
um opus transferret: cum in primo magni  
Operis portum simul & antrum sub scopulis de-  
scribit hunc in modum:

*Est in secessu longo locus: insula portum  
Efficit objectu laterum, quibus omnis ab alto  
Frangitur inque sinus scindit sese vnda reductos.  
Hinc atque hinc vastæ rupes, geminique mi-  
nantur*

*In cælum scopuli: quorum sub vertice late  
Æquora tutæ silent: tum siluis scena coruscis  
Desuper, horrentique atrum nemus imminet  
umbra.*

*Fronte sub aduersa scopulis pendentibus antrum:  
Intus*

*Intus aquæ dulces, viuoque sedilia saxo,  
Nympharum domus : hic fessas non vineula  
naues*

*Villa tenent, vno non alligat anchora morſu.  
Cujus loci priores versus ex his Græcis, quibus  
portum illum Homerus describit, expressos pa-  
lam est :*

*Φόρκυνος ἡ τις Θεὴ λιμὴν ἀλίοιο γέροντος  
Ἐν δήμῳ Ιθάκης. Δύο ἡ περιβλῆτες ἐν αὐτῷ,  
Αἷλαι δύορρωγες, λιμένος ποτιπεπλιῆαι.  
Αἱ τὸ ἀνέμων σκεπώστι δυσαήνων μέγα κῦμα.  
id est, *Phorcyne* quidam est portus marini senis  
In agro Ithacæ; duo autem projecti in ipso  
Scopuli prerupti in portum se expandunt:  
Qui extra ventorum arcent grauiter spi-  
rantium*

*Magnum fluctum.*

Reliqua autem de Nympharum texentium in-  
dustria & textis purpureis idem Maro expressit  
in 4. Georgic. in fabula Aristæi :

*At mater sonitum thalamo sub fluminis alti  
Sensit: eam circum Milesia vellera Nymphæ  
Carpebant, hyali saturo fucata colore.*

Non nihil tamen mutauit Maro: nam quæ Ho-  
merus ἀλιπόρφυρα dixit, ipse aliam rationem  
secutus, hyali saturo colore infecta & penitus in-  
fecta dixit. Quod istud epithetum magis Nai-  
adum, quæ fontium & fluminum numina, rebus  
congruens & familiare videatur. Scaliger in  
Epinomide cap. 6. de Virgilio loquens : *Et*

*in quarto consummati operis hyalum pro vitri colore posuit, tanto iudicio & venustate, quanta fuit a Grammaticis ignorata.* Est autem hyali color subuiridis, eodem teste in Exercitat. 315. Sect. II. *Sed animaduertendum (inquit) nos a vitro vitreum pro candido agnouisse: at Virgilius a Graeco subuiridem in lana intellexit:*

*Carpebant hyali saturo fucata colore.*

Quomodo & Scamillionius lib. 2. de coloribus cap. 19. hunc locum interpretatur. Talis enim aquæ paulo altioris color, qualis vitri densioris.

Sed ad supra allatos Homeri versus reuertamur, quibus antrum illud Nympharum in portu Ithacæ studiose descriptis. Tametsi enim Chronius Platonicus & eum secutus Porphyrius, ut supra attigi, negant ad literam posse accipi quæ de antro illo Homerus dicit, sed in sensu allegorico esse intelligenda; non tamen propterea ab eius loci consideratione temperandum censemus, ceu ad nos nihil pertineat, immo tanto impensis animum intendere decet, vt quid sub ea allegoria poetica lateat mysterii proponamus: certi, non minimam hanc rerum huius mundi aspectabilium & cæducarum esse dignitatem, earum etiam quæ abiectiores censentur, qualia sunt antra illa & cavitates terræ, saxa & lapides, ita esse conditas, vt possint præbere imagines & symbola rerum altiorum & diuinorum iis, qui scalam illam Patriarchæ vbique terrarum positam hominibus, qua a terris in cælum

animo

animo ascendant, videre possunt. Alioqui (vt etiam in præfatione monui) non erat cur de Sibylla, de antris eius, & aliis ad eam pertinentibus dicerem, si nihil me ex talibus profundioris sapientiae expiscari posse sperarem; aut certe mihi eorum mos sequendus esset, qui nihil ex veterum auctorum scriptis nisi vepres depectunt. Sed & negotiosos homines & superficiarios librorum helluones moneo, hinc procul faceant, & alibi stomacho suo aptiora querant.

Quod igitur non ad literam descriptio illa antri apud Homerum accipi debeat, sed allegorice, hinc primum ostenditur: quia Geographi & Scriptores nullam eius speluncæ in portu Ithacæ mentionem faciunt. Putare autem, Homerum artificem tantum, nulla alia causa sed sola fingendi libidine impulsum, finxisse antrum quod nusquam esset, fidem omnem & probabilitatem excedit, quod ne in mediocres quidem poetas scilicet cadit. Quis porro citra allegoriam fingere audeat, antrum alicubi esse, duos habens exitus, vnum quo homines omnes ingrediantur, alterum quo dii, & quicquam eiusmodi a natura esse factum: cum vniuersum terrarum orbem mundumque omnem commune hominum & deorum domicilium esse constet? Alia addit Porphyrius, iis qui literæ inhærent non minus difficilia, ne dicam inexplicabilia. Quorsum portæ istæ antri geminæ; una hominum, altera deorum? cur non quæ homi-

hominibus ad boream , quæ diis ad austrum  
 conuersa est ? cur non simpliciter Nympharum,  
 sed earum quæ Naiades dicuntur ? quomo-  
 do idem antrum ἐπίρρετον καὶ ἡγεσιδες , hoc est,  
 amabile & obscurum tenebrosumque dicatur ;  
 cum tenebræ naturaliter formidinem potius  
 quam cupiditatem aut voluptatem inferant ?  
 præterea quid sibi volunt in antro crateres &  
 amphoræ lapideæ : in quibus non quicquam li-  
 quorum , quæ talibus in vasis reponi solent ,  
 sed apum fani ibi operantium continentur ?  
 quid textoria instrumenta ex lapide item appa-  
 ra & confecta , non autem ex ligno ? quid ve-  
 stes illæ & telæ quas Nymphæ in tenebris ordi-  
 untur , & nihilominus ita aspectabiles ut cer-  
 nentibus admirationem moueant ? quid postre-  
 mo olea , vna omnium arborum in portus fron-  
 te feraces explicans ramos ? In quo etiam ma-  
 gnus Scaliger acumen criticum exercere non  
 dubitauit lib. 5. Poetices : *Quid enim* (inquit)  
*sola oliua? quam etiam falso ταῦθαλον vocavit?*  
*folia namque gerit brevia , tametsi non rotunda.*  
 Immemor eius quam alibi de Homero & He-  
 rodoto protulit sententiæ multo prudentioris :  
 quos viros in commentario in librum Hippo-  
 cratis non modo vtriusque orationis , hoc est  
 solutæ & numeris adstrictæ , principes statuit ,  
 sed etiam sapientes . *Nam & Homerum* (inquit)  
*nunquam putassem summum & physicum , & , ut*  
*iun esse paterat , theologum , nisi tam stulte de*  
*Dios*

*Diis locutus esset. Neque enim tam vecors, tamque futilis esse potuit, vt eas sic intelligeret; sed ad siderum potestates atque officia geniorum omnia voluit referri.*

Hæc cum de Homero sentiret, qua mentis vertigine postea in eundem tam petulanter debacchetur in libris Poeticis, satis equidem mirari non possum. Cur enim, si Homerum in eo commentario agnoscit sapientem fuisse, neque ad literam quæ de diis dicit esse accipienda, non item in illis Poetices libris ea loca, in quibus Homerum vecordiæ accusat, altius scrutatur, vt quid sapientiæ sub verborum facie lateat, intelligat? cum præsertim tam multa Plato & Aristoteles passim de Homeri diuinitate & allegoriis scripta reliquerint; tam multa Proclus in commentario ad Platonis Timæum & libros de republica: tum porro & Porphyrius (quem philosophorum doctissimum beatus Augustinus vocat) in hoc aureo libello de Nymphaeum antrō. Magna igitur Scaligeri importunitas, dum tam frigide & futiliter Homero in ea antri descriptione in portu Ithacensi insultat: quem non modo in oleæ arboris descriptione malo epitheto vsum arguit, sed etiam egisse Grammaticum, quod non contentus Nymphas dixisse, addiderit: *αι νηιάδες καλέονται*: ceu mera hæc sit glossa parum ad rem pertinens. Quin etiam Homerum castigat, quod non potius *Nereides* has Nymphas dixerit. Quæ & alia eius descri-

ptionis scientissime in hunc modum ab Homero esse composita ostendit Porphyrius ; quem proinde nunc, exploso Scaligero & aliis priscæ sapientiæ osoribus, audire diuina Homeri in eo antra sensa interpretantem operæ pretium est. Atttingam autem singula breuiter, ut par est ad alia instituti properantem.

Primum igitur ad antra quod attinet, hæc typum & symbolum fuisse mundi apud priscos sapientes docet Porphyrius , siue mundum in se totum spectemus , siue etiam partes ex quibus constat : ex materia enim vna communi omnium rerum naturalium & variis formis consistit mundus. Huius itaque omnium postremæ mundi partis , materiæ inquam , symbolum terram esse voluerunt, & ita accipiebant in consecratione antrorum ; quorum analogiam ad materiam primam & similitudinem præclare ibi declarat Porphyrius , quem studiosi adeant, neque enim quæ ibi affert omnia huc transferre placet. Antrorum etiam obscuritas non male ad materiam se accommodat; sed & rerum potestates in profundo, hoc est, in essentia sitas notat. Antrum igitur, quod est mundus, *ηε-ροιδες* propter materiam , idemque *ἐπίργυτον* *jucundum* & *amabile* ob formæ decorem & ornatum , vnde nomen mundo est inditum. Haud aliter & Plato in 7. de Republ. speluncam facilit imaginem mundi, ut etiam in argumento notat Ficinus : *Tu vero, ubi Plato in erudiendo ciuili-*

*phile-*

philosopho imaginem proponit speluncæ, & vinculorum, & luminis cuiusdam umbrarumque, & aquæ; speluncam intellige hunc quem videmus mundum, si ad mundum inuisibilem comparetur: vinculum vero corpus humanum, sive potius perturbationem animum corpori alligantem: umbras autem res omnes quæ sensus mouent.

Sed & *vādā* ἀερόν, aquarum perennis ille fluxus in antris, materia instabilis & pronæ ad omnem motum symbolum esse nemo non videt. Hinc & Naiadum seu Naidum appellatio *Δέλτα των νεαράτων*. Est autem νεαρά non aqua simpliciter, sed quæ in motu est & aliunde manat, fluentum, fons. Quo significatur feminis genitalis ad hominum procreationem commotio & fluxus, quemadmodum Nymphaeum Naiadum nomine vult intelligi animas omnes in generationem prolabentes. Sic aquæ in reconditis Hebræorum literis pro humore illo humani generis instauratore. Esaias cap. 48. *Audite hæc domus Jacob qui vocamini nomine Israel, & de aquis Juda existis.* De aquis Juda, hoc est, fluuiis: quo id quod dictum est intelligi debet. Et sane Plato in Timœo flumen appellat eam colluuiem in quam anima viam generationis iniens incidit: *αἱ δὲ ψυχαὶ εἰς ποταμὸν ἐνδεσθήσαται πολὺν, ὅπερι σκορπίου &c.* Nymphæ igitur quæ Naiades vocantur, animæ sunt propriis fluentis præsidentes, vt Numenius exposuit teste Porphyrio: *Νύμφας δὲ νεαράς λέγομεν καὶ ταῦτα*

Τας των υδάτων παρεσώμενς δυνάμεις ιδίως. ἐλεγον δὲ καὶ τας εἰς γένεσιν κατισθίας ψυχας κονῶν απόστασ. ἥγεντο δὲ περοζάνεν τα υδάτα τας ψυχας θεοπνών ὄντι· ὡς Φησιν ο Νερμηνιος. Eoque etiam verba Mosis trahit Porphyrius: *& Spiritus Domini ferebatur super aquas.* Quod ab Aegyptiorum theologia sumptum ostendit.

Sed & Naiadum & potentiae aquis praesidentis propria symbola crateres lapidei & amphorae in eodem antro repositae. Quae tamē vasa non aquam aut liquorem alium quemlibet, sed apes & mel continere dicuntur. Et merito vasa illa lapidea finguntur, quod aquæ in antris e faxis scaturiant; apes autem in iis operantes animas ipsas generationi incumbentes exponit Porphyrius: πηγαι δὲ καὶ νάυατα οικεῖα θησ υδρασ νύμφαις, καὶ ἔτι δὲ μᾶλλον νύμφαις θεις ψυχας ἃς ιδίως μελίσσας οἱ πάλαισι ἐνάλλ. id est, Fontes vero & fluenta aquis praesidentium Nymphaeum propria sunt: adhucque magis animarum quæ Nymphæ dicuntur, quas veteres apum nomine indigitabant. Mel autem, apum opus, quid aliud quam voluptatis symbolum ex amore, quem & Poetæ γλυκύπικον vocant, & quodam œstro seu punctura occulta humoris, quæ titillatio dicitur. Proinde mox 1585 Λιψιας *stamina lapidea* subdit Homerius, & Φάρε ἀλιπόρφυρα purpurea texta, quo σαρκοποιίας ænigmatice adumbrari censet Porphyrius, propter sanguinem ex quo generantur carnes, quæ circa

circa ossa lapidea adnascuntur, vt ipsa operiant. Omnia enim quæ in corpore nostro continentur, nihil tam ad lapidis naturam accedit quam ossa. Genus profecto texturæ est quod natura in rebus procreandis exercet; quemadmodum Orpheus ipse agnouit, qui Proserpinam omnium quæ in hoc mundo sensibili feruntur (Dea præses ponitur) texentem inducit, peplum scilicet, quo nomine cæli compaginem & ornatum prisci vocabant, quod eo cælestes dii ceu vestimento tegantur. Et de his hactenus.

Nunc de duabus antri portis, & olea in vertice portus conspicua. Earum portarum vna ad boream conuersa est, altera ad austrum: per illam homines ingredi in antrum, per hanc homines non admitti, sed deos, quibus solis patet, Homerus expresse dicit. Quo vel vno intelligi potest, merum esse ænigma quicquid de hoc antro Nympharum dicitur, non simpli-  
cem loci descriptionem. Quis enim in animum inducat, vsquam fuisse antrum natura aut arte positum, quo homines omnes debeant ingredi, quo item dii; ideoque his & illis aditus ianuasque seorsim in illo antro apertas? Multa igitur Porphyrius ad secretam earum portarum intelligentiam nobis insinuandam doctissime differit, quæ sigillatim omnia referre longum esset; satis erit summatim ostendere, quorundam illa pertineant. Summa disputatio-  
nis, mundum vniuersum naturæ in duas diuisum

esse regiones: vnam meliorem, & diuinis magis accommodatam, alteram sequiorem caduducisque & humanis familiarem & dicatam: priorem illam esse versus austrum & meridiem, posteriorem boream versus. Quod autem melior sit pars quæ ad austrum vergit, multis ostendi potest. Primum quidem caloris natura, qui ibi dominatur, cum in opposita regione vigeat frigus; quod autem caliditas frigore sit potior manifestum est: omnis quippe fœcunditas, vis, perfectio in naturæ operibus, caloris beneficium est; sterilitas, torpor, inertia, a frigore proficiuntur: vnde *iners & sceleratum* frigus poetarum doctissimis dicitur. Sed & lumen in austriñis mundi partibus magis omnia collustrat, quo nihil in natura præstantius aut diuinius; in borealibus vt minus caloris, sic & luminis minus, quod magis remotæ sunt a cursu solis: nebulæ autem & caligo & tenebræ ceu propria in sede regnant.

Idem discrimen videre est in hominum ingeniis, quæ, vt Aristoteles docet in problematis, versus austrum acutiora sunt & prudentiæ capaciora; versus boream obtusa magis &, vt ita dicam, nebulosa. Cæterum (quod hic in primis notandum est) quanto his minus mentis & prudentiæ, tanto corpora & ampliora & robustiora, magis item fœcunda esse constat: cum versus meridiem degentibus illorum comparatione parua corpora & infirma imbecilliaque sint:

mens

mens autem ad proportionem agilis & rerum  
 magnarum capacior existat. Quam diuersita-  
 tem adeo insignem regionum terræ conside-  
 rantes prisci illi sapientes, in tropico cancri, &  
 signo illo in quo maximæ solis versus boream  
 declinationis meta est, animarum e cælo de-  
 scensum posuerunt ; in capricorno, maximæ  
 item versus austrum declinationis meta, earum-  
 dem animarum regressum & ascensum ad deo-  
 rum sedem & meliorem vitam. Quibus in si-  
 gnis Plato, ad antrum Homericum respiciens,  
 duas, qua animæ vltro citroque commeent, por-  
 tas constituit. Porphyrius : δύο δὲ ταύτας  
 ἔγενον πύλας καρκίνου καὶ αἰγάλεων οἱ θεόλογοι.  
 Πλάτων δὲ δύο σομια ἘΦη. τέτων ἐγκαρκίνου μὲν εἴ-  
 ται διὰ κατάσπιναι ψυχαὶ αἰγάλεων ἐδιὰ κανιᾶ-  
 σιν. Sic autem hanc doctrinā Macrobius a Platonici-  
 cis, quos studiose legerat, acceptam latine expre-  
 sit in somnio Scipionis lib. I. c. 12: Zodiacum ita  
 lacteus circulus obliquæ circumflexionis occursu  
 ambiendo complectitur, ut eum, qua duo tropi-  
 ca signa capricornus & cancer feruntur, interse-  
 cet. Has solis portas physici vocauerunt, quia in  
 utraque obuiante solsticio vterius solis inhibetur  
 accessio, & fit ei regressus ad zone viam cuius  
 terminos nunquam relinquit. Per has portas a-  
 nimæ de cælo in terras meare, & de terris in cæ-  
 lum remeare creduntur. Ideo hominum vna, alt-  
 tera deorum vocatur. Hominum cancer, quia  
 per hunc in inferiora descensus est ; capricornus

deorum, quia per illum animæ in propriæ immortalitatis sedem & in deorum numerum reuertuntur. Et hoc est quod Homeri diuina prudentia in antri Itbacensis descriptione significat.

Sed animaduertendum est, ex Porphyrio non recte portam deorum dici eam quæ ad austrum est, ut Macrobius loquitur; non enim dii per eam vadunt, neque hæc eorum via, sed animarum in patriam cælestem redeuntium. Proinde Homerus non Ἱεῶν, sed simpliciter ἡραῖον, hoc est, immortalium, nempe animarum, iter esse dixit. Hæc igitur mystica earum portarum expositio est, secundum Platonicos: cui, quod ad boreæ & austri denominationem & significationem attinet, firmamentum ab ipsius diuinæ sapientiæ sacris oraculis accedit, quibus austrum semper in bonam accipi partem constat, aquilonem in malam. Quo sensu usurpat Ecclesiastes cap. II. *Si ceciderit lignum ad austrum aut ad aquilonem, in quocumque loco ceciderit, ibi erit.* Ad quæ verba Hieronymus: *Quantum ego existimao, (inquit) semper in bonam partem accipitur austus.* Sequitur hanc regulam Augustinus, & in commentario ad Psalmum 125. ad hunc versum: *conuerte Domine captiuitatem nostram sicut torrens in austro;* austrum exponit Spiritum sanctum. *Gelaueramus* (inquit) *in captiuitate, constringebant nos peccata nostra: flauit austus Spiritus Sanctus, dimissa sunt nobis peccata, soluti sumus a frigore iniquitatis: tanquam*

*tanquam glacies in sereno, sic soluuntur peccata nostra.* Si austera in bonam partem accipitur, igitur aquilo in malam. Hinc illud in iisdem sacris codicibus : *ab aquilone pandetur omne malum, item : ab aquilone exaradescit mala super terram.* Et princeps cacodæmonum apud Esaiam dicit : *Sedebo in monte testamenti, in lateribus aquilonis.* Ex his igitur patet, quanta sapientiae profunditate Homerus australem antri Nympharum portam immortalibus assignet, borealem hominibus. Restat igitur ut de olea antri summitatem occupante dicamus.

Proposuimus supra in ea arbore censuram Scaligeri. Primum quidem cur olea potius ibi quam alia arbor : deinde quod oleam *ταύρου* Φυλλον vocet, quæ folia brevia habeat, tametsi non rotunda : his adde hoc ex Porphyrio, cur *Ὥη κεφτὸς λιμένος in vertice portus* hanc sitam dicat. Hæc temere in hunc modum ab Homero esse composita non est putandum. Quid igitur ? Oleam Mineruæ sacram fuisse vel ex poetis notum est. Minerua autem sapiens supra omnes deas, vel potius ipsamet sapientia dei, vnde e capite Jouis sine matre genitam fabulantur. Hoc sciens poetarum diuinissimus, ut Plato eum passim appellat, oleam in portus vertice ponit, symbolum sapientiae, qua Deus uniuersum mundum condidit. Porphyrius : *κεφτογενῆς δὲ σης τῆς Θεᾶς ὀπέων τόπον οἱ Γεόλογος ἐξεύρεν, ὅπῃ κεφτὸς τῷ λιμένος ἀντὶν κα-*

τις εώστας σημαίνων δι' αὐτῆς, ὡς γὰρ εἴ τοι αὐτο-  
μάλιστρος τὸ ὄλον τόπο τοῦτο καὶ τύχης ἀλόγος ἔργου  
γέγονεν. id est, Familiarem vero a capite genitæ  
deæ locum inuenit theologus, in portus vertice hanc  
dedicans; quo significat, non esse hanc rerum vni-  
uersitatem casus aut fortunæ opus, sed naturæ in-  
telligentis specimen & monumentum. His vane-  
scunt scrupuli omnes, apparetque consilium  
Homeri in ea arbore eligenda, tum quare τα-  
νύφυλλα vocet. Quomodo enim non foliis  
extensis ea arbor, quæ sapientiæ symbolum po-  
natur? Sapientiæ inquam, qua nihil latius  
patet: omnia enim comprehendit sapientia;  
atque, vt in libro Sapientiæ dicitur, attingit  
a fine usque ad finem fortiter, & disponit omnia  
suauiter.

Sed & propudiosa quorumdam interpretationa-  
menta exploduntur, qui ista imagine antri Nym-  
pharum vterum & pudendum muliebre ænigma-  
tice ab Homero designatum censem: quibus cum  
opponitur duarum eius antri portarum descrip-  
tio, eo amentiæ & furoris procedunt, vt ad  
aduersæ & auersæ seu posticæ veneris flagitiosa  
diuertia configere non erubescant. Adeo im-  
pudentes, vt non vereantur poetarum omni-  
um principem, literarum parentem, ingeniorum  
fontem, ad hæc transferre nefanda. Nem-  
pe hoc illis ad extremam vecordiam restabat,  
vt qui rationi humanæ & scientiis bellum in-  
dixissent, literas quoque omnes, infamato-

carum

earum principe, quantum in ipsis esset, perderent.

## CAPVT XI.

*Sibyllæ de seipsa iudicium: an ali-  
quid inter hominem & demo-  
nem medium.*

**Q**uoniam hanc nobis in hisce disceptationibus legem imposuimus, ut nihil quod vsquam apud veteres de Sibylla extet, a nobis alienum putemus, aut inexcussum præterire sinamus; huic obsequemur, & quæ ipsa de naturæ suæ conditione siue gradu versibus prodidit, considerandum censemus. Extant hi versus apud Pausaniam in Phocicis, supra a nobis prolati, cum de patria eius ageremus, quam solam tunc in his quærebamus; nunc autem denuo reuocandi in conspectum, ex quibus qualis natura Sibyllæ fuerit, ipsius iudicio contemplemur.

Εἷνι δὲ ἔγω γεγαῖη μέσον θυντός τε θεῶν τε,  
Νύμφης δὲ αἴσανάτης, πατρὸς δὲ αὖ κητοφά-

γοιο,

Μητρόφεν Ιδογενῆς &c.

Ego vero ea sum conditione genita, ut in medio consistam naturæ mortalis & diuinæ: matre quidem Nympha immortali edita, patre autem setiuoro &c.

Ita